

## PROCLAMACIÓN DEL DECENIO DE LOS AFRODESCENDIENTES

*Traducción a la lengua ri palenge*

Akolando ri resolusió 52/11, ri risiembre ri 1997, andi lo ke jende a resobbe ñamá konboká a ma konferesia ri parage ngande pa nda botrokolo po ma rasismo y rikrimanasió ri rasa, ma senofobia, i ma uto mo ri intoleransia. i ma resolusione 56/266, ri 27 ri marso ri 2002, 57/195, ri 18 ri risiembre ri 2002, 58/160, ri 22 ri risiembre ri 2003, 59/177 ri 20 ri risiembre ri 2004, i 60/144 ri 16 ri risiembre ri 2005, lo ke nda kaddume ri konferensia ri parage ngande, asina kumo aplikasió ku kutú ri ma deklarasió i ma programa ri asió ri Durban.

Chitiando ke to jende a nasé suetto i a sendá lo memo andi rignirá I rerecho I ane ten ma kapasirá ri makaniá po ma bienetta ri sosierá, i to ma kusa lo ke kree ke a ten un jende ri un rasa a senda mejó ke uto, nu sendá asina nu, andi moral a sendá kondenable, andi sorierá a nu sendá justo i sendá peligroso, suto ten ke ajalo, asina memo kumo to ma teoría lo ke se chitiá ke andi paraje ten un chocha ri rasa ri jende.

Rekonosiendo ma esfuerzo lo ke jende asé i ma makaneo ri ma Kankamajan, pa proibí ma riskriminasió i ma segregasió i nda kutú a ma rerecho ri viruta, ri sosierá y ri kuttura, asina kumo rerecho ri jende i politiko.

poniendo a la riba, ke asina ku makaneo lo ke ele se asé pa kabá ku rasimmo, andi parage ngande a ten un chochá ri jende ke a siguiú asina topetando ku rasimmo, ku rikriminasió po koló ele, po paraje ondi ele sendá i ma uto mo ri intoleransia, asina kumo ma manifestasió ri tiempo agué, agguno ri ese manifestasió se ngalá mo ri botrokolo,

Poniendo la riba ma resolusió 64/169, ri 18 ri risiembre ri 2009 andi lo ke a chitía 2011 kumo tiempo ri ma moná ri África,

Kolando ri ma resolusió 3057 (XXVIII), ri 2 ri noviembre ri 1973, 38/14, ri 22 ri nobiembre ri 1983, i 48/91, ri 20 ri risiembre ri 1993, andi lo ke chitiá ma tre desenio ri ma botrokolo en contra ri rasimmo i ma rikriminasió ri rasa i consiente ri ke nu topetá ku ma kusa lo keleba nu,

Motrando, ma resolusió 67/155, ri 20 ri risiembre ri 2012, andi lo ke a pirí a ma Kankamajan primó ri Asamblea General ke, chitiao ku ma ettaro lo ke asendá ri kuagro, ma programa y kuagro ri ma Naciones Unidas i ma jende, asina kumo ma kuagro lo ke nu sendá ri gobierno, teneba ke enpesá ku un ma makaneo preparatorio, ri karakter ofisioso i chitiao a to jende pa polé chitiá ma Recenio ri to Paraje ri ma Moná ri África, ku ma tema “ Moná ri África: Rekonosimiento, Justisia y Resarroyo”, andi 2013,

Kolando ma párrafo 61 ri ma resolusió 66/144, ri 19 ri risiembre ri 2011, andi lo ke seba ndá motibá a ma kuagro ri makaneo lo ke sabeba un chochá ri ma moná ri África, pa ané asé un ma programa ri asió, ku tema lendro, pa Konsejo ri Rerecho ri Jende guatíalo i chitiá ke asina, asina memo se naglá un chito ri ma resolusió 21/33 ri ma Kosejo ri Rerecho ri Jende, ri 28 ri septiembre ri 2012, andi la ke ma Konsejo a ngalá ku nglasia ma proyecto ri programa ri asió p ama Resenio ri ma Moná ri África i a asina memo a resirí p ama Asamblea General, guatíalo pa chitiá ke asina gue.

Ngalando nota ku nglasia, ri ma makaneo ri ma kuagro ri lo ke sabeba un chochá ri monpa ri África, adni ma makaneo ri un proyectori programa ri asió, ke se ngalá un chochá ri kusa ke poleba siribí pa programa ri asió pa ma Resenio ri to Paraje ri Moná ri África, i ma informe ri Secretario General, pa guatiá kumo ma Resenio ri to Paraje ri Moná ri África, tenga kutú,

1. Resire chitiá ma Resenio ri to Paraje ri ma Moná ri África, ke ta komensá andi 1 ri enero ri 2015 i ten ke kabá andi 31 ri enero ri 2024, ku ma tema “ Moná r i África: Reconosimiento, Justisia y Resarrollo” ma ese ané ten ke inauguralo ri mo ofisía ai memo repué ri ma debate general ri ma sexagésimo noveno tiempo ri runió ri ma Asamblea General;
2. Pirí a ma kanmajan ri Asamblea General, po ma facilitaró pa ané siguiú chitiando kuma etaro lo ke asendá ri ma Asamblea General i uto lo kelé, pa makanea pa asé un programa pa ma Resenio ri to Paraje ri ma Moná ri África, ngalando kusa ri ma proyecto ri ma programa lo ke asé ma kuagro ri makaneo ri gobierno, ri ma aplicasió ku kutú ri ma deklarasió y programa ri asió ri Durban, ke ten ke chitiá ke asina andi ma sexagésimo octavo tiempo ri reunió ri ma Asamblea General, ata 3° ri junio ri 2014;
3. Tan pirí ke ten ke ndá viruta ku kargo a ma presupuesto ordinario i ma bituba estrapresupuestrariosde ri ma Paraje Jundo pa ma aplikasió ku kutú ri ma programa ri asió i ma kusa lo ke se asé andi Resenio ri to Paraje ri ma Moná ri África.